



UNIVERSITÄTS-
BIBLIOTHEK
PADERBORN

Universitätsbibliothek Paderborn

L. Annæi Senecæ Philosophi Opera, Qvæ Exstant Omnia

Seneca, Lucius Annaeus <Philosophus>

Antverpiæ, 1605

Epist. XXXVIII.

[urn:nbn:de:hbz:466:1-53700](#)

A
EPIST. XXXVIII.

PRAECEPTA utilia ad Sapientiam, magis quam Dissertationes sepe esse. Illa irrepere in animum, & seminis modo fructificare & diffundi.

MERITO exigis, ut hoc inter nos epistolarum commercium frequentemus. Plurimum proficit sermo, qui minutatim irrepere animo. Disputationes preparatae, & effusae audiente populo, plus habent strepitus, minus familiaritatis. Philosophia bonum consilium est: consilium nemo clamore dat. Aliquando vtendum est & illis, ut ita dicam, concessionibus, vbi qui dubitat, impellendus est: vbi vero non hoc agendum est, ut velit discere, sed ut discat, ad haec submissiora verba veniendum est. Facilius intrant, sed & haerent. nec enim multis opus est, sed efficacibus. Seminis modo spargenda sunt. quod quamvis sit exiguum, cum occupauit idoneum locum, vires suas explicat, & ex minimo in maximos auctus diffunditur. Idem facit oratio. non late paret, si aspicias: in opere crescit. Pauca sunt quae dicuntur: sed si illa animus bene exceperit, conualescunt & exsurgunt. Eadem est, inquam, preceptorum conditio, quae feminum. multum efficiunt, & si angusta sunt: tantum, ut dixi, idonea mens rapiat illa, & in se trahat. Multa inuicem & ipsa generabit, & plus reddet, quam acceperit.

EPIST. XXXIX.

VARIE, & variis, in philosophia scripsisse: excitari nos debere, & ardorem capere ab exemplo. Naturam eò ducere, que ad excelsa vocat: in quibus non est, plebeia Felicitas, non item voluptas, quia aut fragilia sunt, aut nocent.

COMMENTARIOS quos desideras, & diligenter ornatos, & in angustum coactos, ego vero componam: sed vide ne plus profectura sit oratio ordinaria, quam haec que nunc vulgo Breuiarium dicitur, olim cum Latinè loqueremur, Summarium vocabatur. Illa res discenti magis necessaria est: haec scienti. illa enim docet, haec admonet. Sed vtriusque tei tibi copiam faciam. Tu à me, non est quod illum aut illum exiges. qui notorem dat, ignotus est. Scribam ego quod vis, sed meo more. Interim multos habes, quorum scripta nescio an satis ordinent. Sume in manus indicem philosophorum: haec ipsa res expergisci te coget, si videris quam multi tibi laborauerint; concupisces & ipse ex illis vnuis es. Habet enim hoc optimum in se generosus animus, quod concitatur ad honesta. Ne minem excelsi ingenij virum humilia

EPIST. XXXVIII. i. CLAMORE DAT.] Non male Muretus: tamen Muretus. Nam libri omnes, clare dat: quod est, clara & elata voce. Sanè mox exponit, submissiora verba.

EPIST. XXXIX. i. COMMENTARIOS.] Philosophicos, ut coniicio: sed breves, & summam continentis.

2. DILIGENTER ORNATOS.] Meliores libri, ordinatos: quos audio. Ordine & methodo scriptos, memoria & discipline adiuuanda.

3. ORATIO ORDINARIA.] Longa & tractata, que differendi speciem habet: quæ philosophis vulgo in usu.

4. VULGO BREVIARIVM.] Vox bis ter in Suetonio, Plinio, aliis aut medy.

5.ILLA RES.] Ordinaria oratio.

6. HAEC SCIENTI.] Breuiarium.

7. COPIAM FACIAM.] Feci hinc? utinam D habeamus.

8. ILLVM AVT ILLVM.] Auctorem scilicet, quem laudem identidem atq; aduocem, fidei causa.

9. NOTOREM DAT.] Noster in ludo, de morte Claudi: Siquis à me notorem petisset, te fui nominatus, qui me optimè nosti. Xenophon γρανεια dixit: & adhiberi solet, vbi de statu aut qualitate cuiuspiam dubitatur. Dicit igitur Seneca, At hi fidere & credere debebis: alium notorem sive cognitorum (ut Cicero) non dabo.

10. SATIS ORDINENT.] Id est, ordinata sint, & materiam disponant.

11. EXPERGISCIT TE COGET.] Me certe, cum vel Chrysippi tantum, vel Aristotelis librorum indices video.

12. ANIMVS